



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՊԵՏ

Ո Ր Ո Շ ՈՒ Մ

22 մայիսի 2015 թվականի թիվ 87-Ա

ՀՀ ՏԱՎՈՒՇԻ ՄԱՐԶՈՒՄ ՇՏԱԲԱՅԻՆ ՈՒՍՈՒՄՆԱՎԱՐԺՈՒԹՅԱՆ  
ՆԱԽԱՊԱՏՐԱՍՏՄԱՆ ԵՎ ԱՆՑԿԱՑՄԱՆ ՄԱՍԻՆ

Ղեկավարվելով ՀՀ Նախագահի 1997թ. մայիսի 6-ի թիվ ՆՀ-728 հրամանագրի 1.6-րդ կետով և ի կատարումն ՀՀ կառավարության 2015թ. հունվարի 22-ի «Պետությունը պաշտպանության նախապատրաստելու շրջանակներում 2015թ. զորավարությունների և մարզումների անցկացման պլան-ժամանակացույցը հաստատելու մասին» թիվ 72-ԱԳ որոշման՝

որոշում եմ.

1. ՀՀ Տավուշի մարզում 2015թ. հունիսի 10-11 -ին անցկացնել շտաբային ուսումնավարություն «Քաղաքացիական պաշտպանության միջոցառումների իրականացումը, մարզի քաղաքացիական պաշտպանության համակարգը խաղաղից ռազմական դրության փոխադրման դեպքում» թեմայով:
2. Նշանակել ուսումնավարության ղեկավարման շտաբի պետ՝ ՀՀ տարածքային կառավարման և արտակարգ իրավիճակների նախարարության փրկարար ծառայության Տավուշի մարզային փրկարար վարչության պետ, փրկարար ծառայության գնդապետ Վ. Հովսեփյանին:
3. Ուսումնավարությանը ընդգրկել՝
  - 1) ՀՀ Տավուշի մարզպետարանին,
  - 2) «ՔՊ» ծառայություններին,
  - 3) Մարզային տարահանման հանձնաժողովի աշխատանքային խմբերին,
  - 4) Պահեստային կառավարման կետի աշխատանքային խմբերին,
  - 5) Իջևան քաղաքի զինկոմիսարիատին,
  - 6) ՀՀ Տավուշի մարզային փրկարարական վարչությանը:
4. Ուսումնավարության ղեկավարման շտաբի պետին՝
  - 1) Կազմակերպել ուսումնավարության պլանավորող փաստաթղթերի ժամանակին մշակումը և հաստատումը համաձայն ուսումնավարության նախապատրաստման օրացույցային պլանի,
  - 2) Կազմակերպել ուսումնավարության մասնակիցների նախապատրաստումը համաձայն ուսումնավարության նախապատրաստման օրացույցային պլանի,
  - 3) Ուսումնավարության անցկացման պատրաստ լինելու մասին զեկուցել ս/թ հունիսի 5-ին:

5. ՀՀ Տավուշի մարզի տարահանման հանձնաժողովի նախագահ Լ. Սարգսյանին՝ ստուգել տարահանման հանձնաժողովի աշխատանքային խմբերի պատրաստությունը:
6. ՀՀ Տավուշի մարզպետարանի աշխատակազմի զորահավաքային նախապատրաստության բաժնի վարիչ Գ. Մատինյանին՝ վերամշակել և վերախմբագրել պահեստային կառավարման կետի աշխատանքային խմբերի աշխատանքային պլանները:
7. ՔՊ ծառայությունների պետերին՝ ճշգրտել ծառայությունների ՔՊ պլանները և ծառայությունների ուժերն ու միջոցները:
8. Սույն որոշմանը ծանոթացնել ուսումնավարժության մասնակիցներին:
9. Սույն որոշումն ուժի մեջ է մտնում ստորագրման պահից:



Հ.ԱՐՈՎՅԱՆ

22 մայիսի 2015թ.  
ք.Իջևան